

Parlamentario di MEP, Dangui Oduber

“Desde awe campaña ta cuminsa”



ORANJESTAD — Dangui Oduber ta miembro nobo di partido MEP. Pe ta un momento historico y cu e ta sigui pasonan di su tata. E ta orguyo di ta parti di parlamento awo y ta mira su tata den tribuna y ta satisfecho di e proceso aki. E ta splica cu como mucha e tabata bin pa sigui e reunionnan publico y awe e ta mira su

mes awo como parti di forma parti di parlamento.

GRADICIDO

El a haya sosten, Oduber ta splica. Pa ta un parlamentario e mester haya sosten di pueblo y ta gradicido pa e sosten cu el a ricibi, pasobra sin e sosten y sin e voto e no por ta huramenta y sinta den parlamento. E ta gradici tur esun-

nan cu a deposita confiansa den su persona y danki na nan e por representa nan den parlamento.

POLITICA DI NIVEL

Oduber ta bay trata tur manera cu el a hiba su campaña, cu un politica limpi. E kier eleva e nivel di parlamento pa por hiba un politica di nivel. E ta desea pa siña debati cu argu-

mento sin tin cu insulta otro y como politico hoben e ta mira su mes den esey pa por argumenta cu otro den Staten riba un nivel. Pafo di parlamento por ta amigo, pero den sala nan tin cu mira si tin manera pa por traha hunto, ta traha hunto. Si esaki not a posibel lo tin cu evalua, pero semper cu e respet pa otro, segun Oduber.

AREANAN DI INTERES

Segun e area a cuminsa reparti, e areanan cu e lo bay pone enfasis riba nan ta infraestructura, turismo, deporte y telecomunicacion. Una bes cu a huramenta, a sigui e proceso di reparti e tareanan. E tin hopi area cu e ta interesa aden manera financia publico, economia y diferente area cu e ta hopi interesa den nan pa bay mas profundo den nan.

CAMPAÑA A CUMINSA

Oduber lo bay ta activo. Ayera a huramenta pero eleccion ta aki 4 aña. “Desde awe campaña a cuminsa”, Oduber a bisa despues cu el a huramenta. Como representante di pueblo mester haci trabao den parlamento, pero pafo tambe, el a sigui bisa. P’esey pueblo a pone eynan pa haci su trabao den parlamento y pafo den parlamento. Esey ta loke pueblo ta spera di dje, Oduber a finalisa. □